

CHANITA

Letra : *H.Booi*

Musica : *R. Wever/P.Lampe*

Tempran cu salid'i solo
Chanita di Buchi Juan
Ta tuma su bak'i bolo
Y tumba pa cas di Jean
E solo ta kima fuerte
Chanita ta cocochá
Y net pa su mala suerte
El a hera di trompica . *Refr.*

Refr.

Shonnan,ata mi,tin drop y sunchi
Lamunchi dushi , ayak'i yotin
Tin chupa bèbè tin bol'i funchi
Scafechi pica , na botr'i florin .

Porfin el a yega Playa
Cu baki riba cabes
Cai sinta cant'i muraya
Y cum'sa bende umbes
E baki ta yen di bolo
Kakiña cu drigidek
Pastechi sin colo-colo
Briyèchi shon lag'i nek . *Refr.*

Tin pan di maîshi rabo
Tin pinda cu mancaron
Bon cala , ki ta spera bo
Cayente y pica shon
Chanita ta bende hopi
Su cara ta lombra so
Labiá pa su bok'i stropi
Tur hende ta cumpra 'wo . *Refr.*

Refr.

Shonnan,ata mi,tin drop y sunchi
Lamunchi dushi , ayak'i yotin
Tin chupa bèbè tin bol'i funchi
Scafechi pica , na botr'i florin

Contento e ta yama hende
Ta parti cu su tayó
Mi tin cos dushi na bende
Briyèchi premio mayó
Seis 'or a bati na Misa
Chanita ta cord'e cas
Felis c'un car'i sonrisa
E ta hinca su cens den tas. *Refr.*